



JUDICIAL SYSTEM MONITORING PROGRAMME

PROGRAMA MONITORIZASAUN SISTEMA JUDISIÁL

## *Komunikadu Imprensa*

6 Fevereiru 2013

### **Tribunál Distritál Dili kontinua julga kazu violénsia doméstika**

Iha 5 Fevereiru 2013 Tribunál Distritál Dili hala'o julgamentu ba krime ofensas integridade física simples ho natureza violénsia doméstika.

Ministériu Públiku akuza katak iha 24 Fevereiru 2012 loraik, iha Mercado Taibesi, arguidu ho inisiál JSM prátika krime hasoru nia eis-kónjuje. Ministériu Públiku akuza katak arguidu basa dala ida, rasta fuuk no silu lezada nia liman ba kotuk. Arguidu konfesa ba alegasaun ne'e.

“Julgamentu ne'e manifesta afirmasaun tribunál nia komitementu no konsiderasaun ba violénsia doméstika hanesan krime públiku ne'ebé tenke prosesa atu kondena autór sira tuir lei aplikavel,” dehan Diretor JSMP Luis de Oliveira Sampaio.

Ministériu Públiku akuza arguidu kontra artigu 145 Kódigu Penál konjuga ho artigu 2 no 35 Lei Kontra Violénsia Doméstika.

Iha alegasaun final, Ministériu Públiku husu ba tribunál atu aplika pena multa, kada loron \$0.50 sentavus to'o loron 50. Defeza husu ba tribunál fó pena admoestasau.

Kazu ne'e rejista ho Númeru Prosesu: 696/2012/TDDIL. Julgamentu preside husi Dra. Edite Palmira, Dr. Oscar Tavares representa Ministériu Públiku no arguidu hetan defeza husi Dr. Manuel Goncalves advogadu privadu (estajiadu).

Tribunál marka julgamentu ba leitura sentensa iha 19 Fevereiru 2013 tuku 11:00 dadeer.

Atu hetan informasaun kle'an favor kontaktu direktamente:

Luis de Oliveira Sampaio

Diretor Ezekutivu JSMP

Diresaun e-mail: [luis@jsmp.minihub.org](mailto:luis@jsmp.minihub.org)